



## Universitätsbibliothek Paderborn

### **V. P. Gasparis Druzbicki, Societatis Jesu, Opera Omnia Ascetica**

Aucta Duobus Opusculis De Effectibus, Fructu, Et Applicatione Sanctissimi  
Missæ Sacrificii, Et De Sublimitate Perfectionis Religiosæ. Catalogum  
Tractatum Asceticorum Omnium Vicina Post Dedicacionem Pagina  
Indicabit

V. P. Gasparis Druzbicki, Societatis Jesu, Fasciculus Exercitiorum Et  
Considerationum, De Præcipuis Veritatibus Christianæ Fidei Et Sapientiæ -  
Ad efformationem Christianæ vitæ, consecutionem salutis æternæ  
collectus: & usui accommodatus

**Druzbicki, Kaspar**

**Ingolstadii, 1732**

**VD18 90066332**

Exerc. 6. In SS. Trinitatis Charitatem, eviscerationis Universi.

**urn:nbn:de:hbz:466:1-45396**

## P R A X I S.

**S**anctissima, Dignissima Trinitas, DEUS; Ecce totus ego, & universa Bona mea, dignitatesque ac merita mea in conspectu tuo. Ecce labores, ecce passiones meae propter te; ecce Virtutes, & opera, & perfectiones meae coram te. Heu! quam omnia misera! quam modica! quam scatentia sorde! quam nulla! comparata praesertim, supersuperque Dignissimo & Ditissimo tibi Deo. Adjuva Domine infirmitatem, nuditatemque meam. Auge robur, auge promptitudinem, auge fervorem, auge constantiam. Volo Domine abhinc tibi ferventius, ardentius, liberalius, ignitius, constantius, perfectius, solidiusque deservire pro te laborare; pro te pati; pro te impendi; pro te profundi; pro te exhauriri; pro te exinaniri; pro te annihilari; & tuum Divinum beneplacitum exequi; dignitatem exaltare; Gloriamque magnificare; & superexaltare; digne te, propter te, toto me, toto te, in aeternum & ultra, & amplius, atque amplius.

## EXERCITIUM VI.

*Erga SS. Trinitatem per Eviscerationem Universi in Charitatem ejus.*

1. **C**onstituete coram SS. Trinitate, cum tota Creaturarum Universitate in te transformata, tibi que impersonata, ita ut tota illa tu; & vicissim Tu, illa tota fias. quemadmodum in Deo omnia sunt unitate sibi devincta, tanquam unius Patris filii, cui & dicunt omnia; Pater noster.

2. Toto te, sic omnibus Creaturis conjuncto,

cto, & impersonato, erumpes, ebullies, eructabis, ejaculaberisque Charitatem, & Æstimationem Sanctissimæ Trinitatis: appretiando eam super omnia existentia, & possibilia; tanto conatu, quantus est possibilis omni Creaturæ, in omnibus circumstantiis, & conditionibus illius.

3. Hujuscemodi conatum, disce ab eo, qui ita hortatur omnes (Multa dicemus, & deficiemus in verbis; consummatio autem sermonum, Deus ipse est omnibus. Gloriantes ad quid valebimus? Ipse enim Omnipotens, super omnia opera sua. Terribilis Dominus: & Magnus vehementer, & mirabilis Potentia ipsius. Glorificantes Dominum, quantumcunque potueritis: Supervalebit enim adhuc: & Admirabilis Magnificentia ejus. Benedicentes Dominum, exaltate illum quantum potestis: Major est enim omni laude. Exaltantes replemini virtute, ne laboretis: non enim comprehendetis. Quis videbit eum, & enarrabit? Et quis magnificabit eum sicut est ab initio? Multa abscondita sunt majora his: pauca enim vidimus opera ejus. Omnia autem Dominus fecit, & piè agentibus dedit Sapientiam) *Eccl. 43. 29.*

4. Quia verò is ipse conatus, quantumlibet actualiter effusus, & exercitus, non plus est coram Deo, quàm unius folioli in vastissimo nemore moti strepitus;

5. Obsecrabis omnium Creaturarum, tibi impersonatarum Nomine, Entitate, affectu, obligatione, & etiam obedientiali possibilitate, atque capacitate, insuper omnibus omnium atomis universalitatis, ut Deus, qui solus sibi dignè amando, & dignificando, idoneus, & adæquatus est, semet-

G: 22  
oper  
707  
N  
5

femetipso seipsum amet, æstimet, laudet, extet, glorificet: adæquatè suæ dignitati, majestati, amabilitati, amativitatiq; & suæ ad sese amandæ infinitæ, & inexhaustæ facultati.

6. Exultabis toto te, quòd SS. Trinitas Deus naturaliter, voluntariè, necessarioque, seipsum suo Amore, pretio, æstimationeque expleat: et satiè: exæquet, exæquaturusque, & expleturus sit per omnem æternitatem.

## P R A X I S.

**S**anctissima, & Inestimabilissima, & Amabilissima Trinitas DEUS, totâ Omnitudo meâ, ex omnium Creaturarum mihi impersonatarum, adunitarumq; universitate conflata, Amo te DEUM meum: præfero, atque appetio super omnia: conatu omnino & toti mihi possibili. Quia verò hoc ipsum omnino Nihil coram te est; cum ego, & personaliter particulariterque, & universaliter, universalitatisque, in te factus sim omnino Nihil; amorque omnis, & omne exercitium actuatioque illius, sit etiam Nihil; comparatum Majestatis tuæ Magnitudini, atque Dignitati Eminentia. Sicut folium crepitans in vastissima solitudine, aut sicut gutta roris antelucani decidens in Mare; Idcirco toto me, totoque universo, & omnibus atomis Universi universalitatis, desidero: ut tu Deus meus, temetipsum, temetipso, tantum amet, tantum æstimes, tantum glorifices, tantumque beatifices, quantum prævalet Immensitas tua tota. Et quia Tu, sic te, necessariâ Voluntate, voluntariâque necessitate diligis, & appetias ab omni æternitate: hinc Ego totis meis, totisque Universe Creatura viribus exulto, & exultabo: & exultare desidero, opto, peto, & propono, in omnem Æternitatem.

EXER-